

Ўр Фролов оньдин белн

Эн джил өвснә ургъц сән болв. Эн ургъциг олзлдж, кесг колхозмуд болн совхозмуд малдан хойр джилә хот белдлгънд шунцхав. Тедн дунд Сарпинск района «Путь к коммунизму» колхозин 3-ч номертә комплексн бригадт өвснә хадлгънд көдлдж йовх трактористнр бийстән өдән даалгъврмуд авцхав.

Эн бригадин тракторист ўр Фролов Иван кесг джилин эргъцд малин хот белдлгънд көдлдж йовна. Эврәннъ залдж йовх тракторан цевр-цеерәр бәрнә.

Эн джил өвс хаддг гурвн хаджта машигъяр өдртән 27 гектар газрт өвс хадх даалгъвр эн авла. Терүгән күцәхәр икар шув. Дакад деернъ малдан хойр джилд күрх хот белдхмн гисн приозернәхнә дуудвр Фроловин седклиг байрлулв.

Теднә дүнъгәр көдлдж би чигн чадхв гихларн амрхан медмн биш. Трактор деерән

суусн, тракториннъ а дахад гиинәд дуулад, өвс хаддж йовх, амрсн цагтан тракториннъ өөр маслянк бәрсн тракторан тослдж йовх, эс гидж гартан хойр ключтә тракториннъ эрәсн, таглинъ чангъгадж йовхнъ кезәд чигн үзгднә.

Сул цагтан газет, журналмуд умшддж, кен гидг тракторист, ягъдж көдләд, ямаран ик диилвр бәрдж йовхинъ сонъмсдж умшна. Теднә дамшлт, бийиннъ дамшлтла дүнъцүлдж хәләддж, теднәс иштәгъяр көдлнә.

Тегәд чигн Фролов Иван өдртән 35-40 гектар газрт өвс хаддж йовв. Энүнәс үлгүр авч, наадк механизатормуднъ чигн сән көдлцхәв.

Терүнә ашд 3-ч комплексн бригад 500 тонн өвс хаддж, цутгнъ үвлзнгүрн зөөдж авцхав.

Өдгә цагт ўр Фролов комбайн чирдж, тәрә хуралгънд көдлхәр тракторан белдчкв.

ЗЛЫДАН Эрдни.